



奇零草自序

余自舞象輒好為詩歌先大夫慮廢經史每以為戒遂輟筆不談
然猶時時竊為之及登第後與四方賢豪交益廣往來贈答歲久
成篋會國難頻仍余倡大義於江東穀甲敲干凡從前雕虫之技
散亡畧盡矣於是出籌軍旅入典制誥尚得於餘間吟咏性情及
胡馬渡江而長篇短什與疏草代言一切皆付之兵燹中是誠筆
墨之不幸也余於丙戌始浮海經今十有七年矣其間憂國思家
悲窮憫亂無時無事不足以響動心脾或提槊**北伐**慷慨長歌或
辟虜南征寥寂低倡即當風雨飄飄波濤震盪愈能令孤臣憐主



游之懷親豈曰亡國之音庶幾哀世之意乃丁亥春余舟覆於江而丙戌所作亡矣庚寅夏余率旅復入於海而戊子己丑所作又亡矣然殘編斷簡什存三四迨辛卯昌國陷而司中草竟靡有子遺何筆墨不幸一至于此哉嗣是綴緝新舊篇章稍稍成帙丙申昌國再陷而亡什之三戊戌又覆舟於羊山而亡什之七己亥之役同仇兵燬余以間行歸凡留供覆甑者盡石頭書郵始知文字亦有陽九之厄也年來嘆天步之未夷慮河清之難俟思借聲詩以代年譜遂索友朋所錄賓從所抄次第之而余性頗強記又憶其可憶者載諸楮端共得首不過如全鼎一鬻耳獨從前樂府

共得下當既字于字

歌行不可復攷故所訂幾若廣陵散嗟乎國破家亡余謬膺節鉞既不能討賊復仇豈欲以有韻之詞求知於後哉但少陵當天寶之亂流離蜀道不廢風騷後世至今名為詩史陶靖節躬丁晉亂解組歸來著書必題義熙宋室既亡鄭所南尚以鐵匣投詩督井中至三百年而後出夫亦其志可哀其精誠可念也已然則何以名奇零是帙落凋亡已非全豹譬猶兵家握奇之餘亦云余行間之作也永曆十六年歲在壬寅端陽後五日張煌言識

明少司馬蒼水張公遺像

公自幼露齒故小字暴牙



一本作桓國府
據國畫封疆
不必禁官全自相
賊玩其詞云似
不評

奇零草卷之一

樂府

○薤露吟 戊戌

赤風蕩海宇 弱水羣飛揚
日月長麗天 中有蓬萊鄉
桓桓國臣據 畫封疆
火生木必熱 害金自戕
屏藩既已撤 干戈及寢
皇白日 竄野馬
黃昏號國殤 貴賤同一骨
誰為送北邙

○蒿里曲

猛獸在深山 藜藿亦壽考
况也濟亂流 干城國之寶
一朝捐賓客 三軍哭孤島
李代桃亦僵 削易絲逾擾
吁嗟周遺民 去作流離鳥



明少司馬四明張煌言玄箸父著

路逢故鬼語死生何草草野死媚烏鳶水死蛟龍飽哀哉失所天
人命不自保

○春暮有懷

戊戌

嗟予初衣柔翰勃窣國難驅人衽金袖鐵日月如駛踏地踏天汎
汎滄海盤桓小年薄暮酒歌愴馬彼美安得九還以慶靈紀山川
窈窕爰奏素琴琴言維何寫此春心

○枯魚過河泣

丁酉

枯魚過河泣道上陽侯揖此方介族難與立

○秦吉了

辛卯

秦吉了生為漢禽死漢鳥塞南塞北越禽飛悵望故山令人老載
鳴鳴華音載飛飛華土翮折翅垂夷取我侮生當為鳳友死不
作雁奴我自名臣禽不可辱莫待燕婉生胡雛鳶猶嚇鵲徒唱
倉庚空格磔哀哉不能飛起視來禽嘗嘆息

垂字誤口

○泊馬蹄與戲成

己亥

問馬蹄春風陌上走銅鞮誤被秦皇驅入海玉勒金鞍不敢嘶龍
媒自是波間種何用天涯錦障泥笑馬蹄骨亦千金志千里追
風逐電何處來却與鯨鯢鬥江水安得飛騰去渥洼依然負圖獻
天子

苦作三解

苦作兩首

天涯作天閣

○泉穴魚巳亥

南有鮒魚實生泉穴
臣于龜君鼈行仰沫水族失歡
慕腮勿活豈其櫻鱗貪餌故絕

○促織辛丑

促織促織微吟
閨夕緯婦驚秋停機太息
織縑苦短織纈苦容萬縷千絲織不成足

○妒婦津乙未

妒婦死津頭津亦名妒婦
少女相經過風雨不得渡
或為蓬垢顏竊恐逢彼怒古云粥倉庚可以療此痼惜哉此婦人雖死猶不悟

○孤桐吟乙未

孤桐產嶧陽百尺巢風雨時作白龍吟
天然發宮羽斲為爨下材遂與棗栗伍
中郎秉元鑿勿因積薪阻飾以琬琰
姿摩挲一再鼓清聲動天地神物煥今古
士誠貴知音此道已如土

○滄洲行壬辰

自從錢塘怒濤竭會稽之棲多鍛
翮甬東百戶古滄洲居然天塹高碣石
青雀黃龍似列屏蛟螭不敢波間鳴
虎鬚爭如秦婦女魚旒半是漢公卿
五六年間風雲變帝子南巡開宮殿
繇來澤國仗樓船烏鬼漁人多不賤
堂怡穴門絕經秋胡來飲馬滄海流
共言

滄海難飛越况乃北馬非南舟東風亦與胡兒便一夜輕帆落奔
電南軍鼓死將軍擒從此兩軍罷水戰孤城聞警蚤登堙萬騎壓
城城欲夷砲聲如雷矢如雨城頭甲士皆瘡痍雲梯百道凌霄起
四顧援師無螻蟻裹瘡奮呼外宅兒誓死痛哭良家子斯時帝子
在行間吳淞渡口凱歌還誰知勝敗無常勢明朝聞已破岩關又
聞卷戰戈旋倒闔城草草塗肝腦忠臣盡莫伯夷山義士悉到田
橫島亦有人自重圍來向余細語令人哀椒塗玉葉填胥井甲第
珠璫掩劫灰而今人民已非况城郭髑髏跳踯寔復肉土花新蝕
遺鏃黃石苔早繡缺所綠嗚呼問誰橫驅鍬柄襠翻令漢土剪龍

荒安得一劍掃天狼重酌椒漿慰國殤

○舴艋行癸巳

乘舴艋載餘脰椎鉦撾鼓走風檣滿船兒郎抹額黃人言若輩真
鷹揚饑則攫人飽則颺江村鷄犬絕鳴吠老稚吞聲泣道旁罄我
瓶中粟使我朝無糧斷我機上芒使我暮無裳我亦遺民事耕織
當身不幸見滄桑入海畏蛟龍登山多虎狼官軍信威武何不坂
城邑願輸夏稅貢秋糧

○楊芳生以徐閣公高弟浮海來晤於東甌爰贈一章癸巳

楊生美髯白接羅來自雲間映步微自言年少曾聞奇南州高士

則我師南州迢迢不可極且去杖藜看山色永嘉山水稱妙絕君
獨掉頭瞋耳食既疑雁宕構虹橋復怪龍湫剪鮫絹着屐扶筇何
太苦丹崖翠嶂枉相招古人相馬惟相骨君今看山但看筇想君
胸中自有五城十二樓安用崿舞蠻飛之突兀楊生能酒復能棋
酒亦不辨聖賢棋亦不辨雄雌左手一枰右手一卮掀髯大喙誇
兵機無過古遁甲君亦稍稍知涉獵願將持此覓封侯男兒豈肯
彈長缺君家子雲太糊塗那曉春陵赤伏符今君不向元亭老差
勝當年莽大夫

兵機應叠字君亦或作君已彈長缺二非確彈缺

○長鯨行庚子

跡同跨音展

南海長鯨何橫絕吞吐波濤噴日月鼓髯俄成赤羽旗批鱗都變
黃金穴初依海市現樓臺旋上天關守宮闕天狼忽從西北來旌
為蚩尤鞭為李長臣鯨稽首稱波臣玉皇香案昏豷羯希恩豈望
鳳凰池論功敢乞蛟螭窟那識狼心最不仁組繫長鯨離溟渤跳
梁甯復昔睚眦涸轍應憐舊饕餮長鯨有子類龍種起代靈鼉震
列缺銀河朝犯織女杼珠浦夜泣鮫人血天狼跋扈還叱咤僉謂
鯨鯢本遺孽跡屬山頭貳負屍鍾離村內專車骨殘魂幾處聽蒲
牢遺醢何年化彭越嗟嗟長鯨爾何愚如彼異類終屈節神龍不
臣臣貪狼扶目塗腸坐自滅昨夜星躔弧夫明却喜橈槍影欲沒

天狼天狼莫漫驕海宇會有真龍出

○閩南行 壬辰

閩南自古龍蛇孽犬羊闖入為窟宅元公仗鉞起海東劍躍蛇虺
弓霹靂一戰築京觀再戰解椎結三戰合圍漳州城萬竈星羅盡
樹柵是役也彈丸小醜尚陸梁登埤不畏河魚疾迴看百雉早懸
燈照耀閨閣光為赤城頭刁斗寂不聞惟聞死聲動筆策戎軍
睡聲如雷戰馬高嘶待橫擊平明兩軍仍相持似借人命膏鋒鏑
嗟嗟狡虜何其愚何不肉袒轅門行自絕惜昔秋深胡馬肥燒荒
獵火天成血橐駝九陌換銅駝指顧中原鮮堅壁不數年間鍛運

當是蛇字

三雁多融若登
三字

回漢人復熾胡人滅區區併獸與釜魚天戈所指應無敵多爾復
或獻俘或獻馘此時龍戰血元黃功成誰念溝中瘠兵家奇正鮮
常形頓軍堅城豈善策試籌道甲探陰符大武何嘗窮矢石惜當作

應無敵

○歲在戊戌予行年已三十九矣撫時感事遂以名篇

人生百歲安得有我今草草三十九猶憶中原蕩赤風結束辭家
歲在酉銀魚嘗掛鐵衲襠金馬長懸玉七首江東霸氣倏蕭條純
鈎繡溢沉槍朽縱橫露布浪飛書突兀星槎莽犯斗風雲縮胸帝
應暝日月膏盲鬼亦吼丈夫意氣豈勛名何況文章等芻狗頭顱
如許可奈何慷慨悲詞還自詬太史公牛馬走鯨涎蛟沫日攢眉

虎符龍節一憑誰^手揜^手擒^手齷齪里中兒纍纍黃金窈佩肘帶礪山河
安在哉五侯空縮龜文紐自昔英雄多妙年隆中圯上相先後如
彼南陽鄧仲華丹青獨畫雲臺右其人鬚眉尚宛然咄咄微軀真
敝帚古來何代無廢興雌^飛雄^伏更某某上不為富陽春澤畔羊
裘翁下即為山中宰相天子友不見故侯原上瓜請看徵士門前
柳誰能出處兩無憑躑躅千秋笑雞口莫論兵且飲酒今人爭羨
古人賢後人亦羨今人否

○鴻門歌 戊戌

項王怒漢王畏宴罷鴻溝潰漢人喜楚人恚玉玦謀空玉斗碎重

瞳隆準兩英雄天意有興必有廢成豈噲也一螽肩敗或亞父疽
發背不殺沛公豈云誤此事却有霸王度當時長者號漢王俎上
老翁不相顧既無父子况君臣三軍縞素為何人

○辛丑秋^虜遷閩浙沿海居民壬寅春余艤棹海濱春燕來巢

於舟有感而作

去年新燕至新巢在大厦今年舊燕來舊壘多敗瓦燕語問主人
呢喃語盈把畫梁不可望畫艫聊相傍肅羽恨依棲啣泥嘆颺颺
自言昨辭秋社歸比來春社添惡况一片蘼蕪兵燹紅朱門那得
還無恙最憐尋常百姓家荒烟總似烏衣巷君不見晉室中葉亂

五湖烟火蕭條千里孤春燕巢林木空山啼鷓鴣只今胡馬復南
牧江村古木竄黐黐萬戶千門空四壁燕來亦隨檣上烏海翁顧
燕三歎息風簾雨幙胡為乎

奇零草卷之二

五言七古

明少司馬四明張煌言玄箸父著

○懷古二首

我懷申大夫哭秦卒復郢人定能勝天一言重九鼎亦有張長史
唐室賴藩屏當其語江中籌畫先井井古人秉忠貞謀國無微倖
操此左券言勛名終彪炳如何逋播臣智勇不得騁廢興甯有運
吾欲訟青冥本依龍翔風亦附虎烈古來王佐才往往待聖哲
白水產真人乃能顯高密先主自梟雄隆中願蕩滌卓哉一臣靡
赤手挽禹歷澆浞既迭生鄒灌且並滅君方娠有仍臣也奔有禹

國亡四十年興滅復繼絕祀夏伊誰功萬古冠臣節

○述懷二首 戊戌

王室方板蕩萬里颯颯風南紀亦滔滔島嶼有羣雄羣雄苦不成
歲月坐冰融五侯並九伯化為蒿與蓬樓船出閩粵軍聲正及鋒
金符剖異數玉牒綴強宗非公優晉錫所以厲康功孤臣懷共主
髣髴五雲封九關踞虎豹閭闔不得通回棹天漢際躑躅倚王公
顧念命卿微一旅甘附庸蒙恥期匡濟敢言蹇匪躬但慮蹤跡異
復慮蹤跡同悠悠千載下誰更想孤忠

弱齡尚遐異辟穀慕青鸞骨肉相驚涕時復勸加餐因緣誤烟火
塵鞅日以攢上書獻天子索米走長安羲和忽云匿烽燧起樓闌
萬古有綱常肯為廢興寬橫戈希雪恥屹柱誓迴瀾原甚富貴氣
終鮮妻孥歡蕭然世外味曾無九還丹仙靈重名教忠義固其端
所惡精已搖何以生羽翰神理或不滅毋勞白玉棺

○思歸寓郡望姓氏 丙申

兵甲被天來邛樊亦改氣田中一揮手十年悲捐棄四晞髮扶桑
津希蹤渺無儷胡為歲寒心古今迴自異明弦月掛霜空元臣禽
沒雲際俵俵嘆予行人先竟安寄張交游漸已乖父書將終廢幼
穉儼成行刀環徒縈繫元等身五岳間寸土焉留滯睹物起離情

日斷歸鴻去 著

○寄懷徐閣公二首 甲午

蹇予信姱修始服邁天步擾擾風雲馳念之徒心怖四海選交游
椒蘭漸非故會合總泥塗乖違漸衢路所貴膽與肝在遠彌相附
寒江已腹堅鴻雁莽南驚太息物候遷含情託豪素

黃鵠翔漢表厲氣何崢嶸朝餐方壺實暮擬圓嶠英網羅不得掛
稻梁安所馨俯視滄溟流驕語鷗與鵬萬里毋乃隘千仞奚足驚
豈意彌天岸礙爾莫長征明時重儀羽雲路詎冥冥

○苦饑 巳亥

登彼三神山慨焉思遐舉蘆荻風蕭蕭白石不可煮絕粒固所宜
躊躇傷徒侶驤首視烏鳶青天嚇腐鼠不念山中人斲罄亦壘恥
豈乏稻梁謀卑栖因鍛羽安得有葦薇療飢待明主

○吳佩遠遊雁宕山歸備述名勝因為詩紀畧亦志于企望之

懷也 戊戌

名山翳慧業遐覽情亦怡恭聞永嘉勝拱揖乃失之吳子骨森秀
獨往良所私白袷被蒼烟短筇橫指揮歸來氣色驕嵐光生鬚眉
折罄前問訊抵掌登眺奇雲根插萬笏一一攀青霓梯華霞轉磴
道衆妙來參差靈岩割元氣陰洞礙朝曦岩中何所妙萬象迸巖

巖林立丈人峯高冠肅羽儀危岑古形容箕踞各隨宜洞中何所
妙複道夾軒墀宛轉石竇間髣髴陰風吹居然天地房日月安敢
窺更復捫浮屠寂觀豁天機老僧相候門為告山靈疑飛柯攢石
棧叢棘悶天倪所以迴雙屐恒懼鬼神台但見飲長虹蜿蜒挂翠
微時或展湘簾散作千珠璣聞言珠嘆喑兩腋出寒飈豈無濟勝
具而為塵鞅羈拍手問愚公茲山詎可移

○贈別陳文生還三山 戊戌

平生重意氣定交在班荆忽忽經亂離風雨晦雞鳴得友剡洲上
傾蓋襟已橫一奏蘭薰曲相辭戒北征青峰千萬仞家枕古榕城

將歸省松竹甯為猿鶴驚瓊裾鮮玉佩何以贈君行屋梁一片月
三山兩處明珍重陳孺子善刀俟漢興

○代內人獄中有寄 戊戌

國破已飲泣家破復間關自君之出矣妾媵君亦鰥兒女雖有情
不在別離間上堂潔脯脰下堂代斑斕知君驅汗馬豈敢怨紅顏
夷官張羅網忠義委草菅淹忽大椿謝君滯滄海灣兀然生死魂
并作蛟珠潛君行寶膚髮奔跣安所還妾自感百懼飛蓬任雙鬢
衰門既零落空閨誰貞艱哀哉井臼婦終年困狴犴非不輕微生
將離實且孱園扉滋味惡燐青碧血殷古稱東海婦嚴霜暑路班

胡天嘗夢夢莫辨玦與環如何貫索星獨照望夫山視彼磨笄峰
高名良可攀難將妾巾幘往佐君羽綸報君還祝君旂常樹人寰

○擬答內人獄中有寄戊戌

盛年不惜別客久始懷慚我非蓬蒿人江湖遂屢淹况復避**豺虎**
誰能解征衫孤雁自西來彷彿墮書函書中寄珍重書外淚重楫
恍見閨中秀吞聲寫素練御今臨虎穴雙魚何從探姍姍魂魄來
關河諒非諳棘林魑魅鄉骨月各生嫌褫子亦囊頭狼狽形影兼
憶我初行役兵戈未戒嚴驅馳悲九折輾轉歲華添白雲空繚繞
長此傷烏啣水鷗雖忘機安得雙鷓鷯名教自束躬柔情非所耽

憐卿持門戶鼎俎心已甘豐獄有埋劍紫氣若煙爻莫邪獨掩抑
干將慘不銛神物庶終合造化焉能殲生當挽鹿車死當駕雲駟

○虜庭以予倡義既久屢復名城遂逮及族屬且開**告密**之門

波及親朋擄掠備至聞之泣然 壬寅

宗國既隳搖家門遂顛覆感此多難心欲泣不成哭我生實數奇
乾坤方百六猘猱滿中原赤靈社已屋逋臣骨可糜豈敢惜孥戮
所悲諸父行班白櫻三木甘兄與所天株連遭拳梏幸或作流人
否或登鬼籙禡子竟何辜十載尚淹獄化離有寡妻墨幪兼緇幘
國亡家亦亡我固敢湛族邇聞**告密**風舊遊復被錄白虹慘欲垂

黃金貧莫贖天地豈不寬誰念忠之屬唯應千秋名芬芳追王躅
洒涕慰親朋安知此非福

○寄石紀青年丈乙未

憶昔公車歲在午太乙飛精掛河鼓閩南紀生豈其儔搏風遂奪
吳剛斧余亦持鋒起越中謬於文章稱跋扈乾坤排蕩會有人日
月沉淪忽無主言也左袒一奮呼五千甲盾色如土此時寓縣望
漢官獨居躬耕吟梁父終縵不棄意何深賈組長擢節殊苦迨予
收燼赤堇山錫涸銅乾抑何補低眉始作下邳遊屈指誰向中宵
舞短衣皂帽乍相逢濁酒素筭安足數元理能令萬象開鴻文直

獨居本君獨
當作君獨為是

竝三墳吐別來國步尚滄桑籍甚襟期值幹蠹聞君曳履近夔龍
笑余敝衣逐羆虎寂寂温劉竟誰屬悠悠絳灌徒為伍甌越元雲
自卷舒勾吳落月空分割何時功成歸去來重與樽前說破虜

○賦贈琴師

入夏園林長新綠小庭疏雨黃梅熟主賓襟坐觴數巡清言元論
驅煩煥座中有客伯牙儔起舞瑤琴弄寒玉初彈秋水滿瀟湘再
彈忽唱陽關曲揮弦挾軫轉繁音往鶴來雲節更促我聞三湘烟
景自蒼涼淚痕斑斑猶在竹得君譜入龍門桐無數離情紛相觸
况復驪歌織指間羈人聽之淚盈掬願君翻作洞庭聲莫嫌孤鶴

與寡鵠君不見少文動搵響衆山又不見中散絕唱廣陵寒寥寥
同調千載難今遇知音為一彈

○懷古

甲辰

自此至聞孤鳥作九九首俱從採薇集錄出

伊昔東陵侯浮沉在青門種瓜皆五色不肯負亡秦故侯何足道
羞與世間羣及為文終客教以保功勛似得黃老術知亡亦知存
存亡會有時出處要有期借問東陵瓜何如三秀芝

○山居即景

甲辰

結茆在山椒面面皆叢薄獨坐生微涼高情欲採綠平楚殊蒼莽
衆峰亦窈窕清輝來撲人引我發長嘯空清不可極俯視但雲光

衆妙含其中疑為天地房朝光來窺床樹影綴羅帳推枕一摩挲
天然淡墨障

○山中屢空泊如也偶讀淵明饑驅句猶覺其未介遂作反乞

食詩仍用前陶韻

甲辰

悲風變林谷予行將安之浩然懷黃綺燼燼紫芝辭清聲在金石
孤情獨往來彭澤何人斯東籬戀酒杯微祿已不耽沾沾乞食詩
乞固自有意可以觀其才吾則愛吾鼎白雲尚分貽

尚字亦儲字

西山有餓夫寒裳欲從之或言舉世腴君癯甯有辭流水淡鬚眉
天真所由來况也朝市改志士寡深杯療饑托薇藿甯識招隱詩

今古多肉食誰為天下才珍重墨胎氏靈龜幸見貽

三旬九遇食我聞古有之不貪以為寶無受故無辭奈何饕餮者
朶頤鼎鼎來乞哀在暮夜餘羹僅一杯斟酌既飽滿猶吟和陶詩
緇維珠樹鶴高清末易才芝田諒足耕嘉穀聊自貽

○擬古三首

甲辰
一首錄在補遺

蕭蕭巖畔竹亭亭澗底松植根非不高孤峭慮難容骨月緣枝葉
分飛類轉蓬非關恩義薄根株量不同越鳥棲南枝代馬立朔風
貌馬長愴惻道阻誰適從

晦明本如轂日日相推移寒暄亦如環歲歲迭乘除白雲自西來

量字當作
良字

告我商秋期林臯色慘淡蛩聲哀以思昔也苦炎威今含搖落悲
天氣始肅殺草木詎能違百卉歛披靡甯復豔陽時豈識持晚節
獨有凌霜枝寄言桃李子慎勿恃芳菲

○懷王隗雨少司馬徐閣公沈復齋中丞

甲辰

我昔曾上嘉禾島島上衣冠多四皓方瞳綠髮映蒼髯紫芝一曲
何縹緲年來滄溟欲生塵烟峰亂矗高山道杖履流落似晨星天
長地濶令人老南望銅陵又一山風颿千尺鯨波間不然疑乘黃
鶴去去去麟洲第幾灣

○聞孤鳥而有作

甲辰

孤鳥孤鳥聲悞憶風雨中宵我心惻似聞鳥言生不辰空山寥落
無顏色在昔雄飛向九霄金眸玉爪行胃臆巢雲曾傍萬年枝擊
水寧需六月息風雲蹉跌幾星霜宛轉枋榆困枳棘東門旗鼓為
誰觴北海木石徒爾塞杜宇漫語不如歸鷓鴣疾呼行不得予口
卒屠予尾焦却來山河欲避弋一飲一啄孰將雛雙飛雙宿誰比
翼寒枝獸抱月黃昏島樹蒼茫林影黑橫絕四海會有時敢告羈
棲還努力嗟乎此鳥亦非凡鸞歌鳳舞誰能識但將孤鳥伴孤臣
悠悠蒼天曷有極

○被執歸故里 甲辰七月

蘇卿仗漢節十九歲華遷管甯客遼東亦閱十九年還朝千古事
歸國一身全予獨生不辰家國兩荒煙飄零近廿載仰止愧前賢
豈意避秦人翻作楚囚憐蒙頭來故里城郭尚依然彷彿丁令威
魂歸華表巔有覩此面目難為父老言智者哀我辱愚者笑我頑
或有賢達士謂此勝錦旋人生七尺軀百歲甯復延所貴一寸丹
可與金石堅求仁而得仁抑又何怨焉

○放歌

甲辰八月 一本又武林獄室書壁六字

吁嗟乎滄海揚塵兮日月育神州陸沈兮陵谷崩藐孤軍之屹立
兮呼癸呼庚余憫此子遺兮遂息機而寢兵方壺圓嶠兮聊稅駕

以埋名豈神龍之魚服兮罹彼豫旦之嘗余生則中華兮死則大明寸丹為重兮七尺為輕惟彼文山兮亦羈紲於燕京黃冠故鄉兮非予心之所欣欲慷慨而自裁兮既束縛於嚴刑學謝公以絕粒兮奈羣喙之相并等鴻毛於一擲兮何難談笑而委形憶唐臣之嚙齒兮視鼎鑊其猶冰念先人之淺土兮悲忠孝之無成繫嗣子於牢籠兮痛宗祀之云傾已焉哉荀瓊謝玉兮亦有時而凋零余之浩氣兮化為風霆余之精魄兮變為日星尚足留綱常於萬禩兮垂節義於千齡夫何分孰為國祚兮孰振家聲歌以言志兮豈慕乎箕子之貞若以擬夫正氣兮或無愧乎先生

奇零草卷之三

五言絕句

明少司馬四明張煌言元箸父著

○海月 壬寅

海嶠看明月蒼茫練影多不知鄉國夜皓魄復如何

○夜泛 壬寅

秋雲何淡淡影入夜波清倒作銀河看依然星斗橫

○舟行望野燒 壬寅

朔氣偏蕭瑟千山落木聲征帆殘燒外隱隱見孤城

不解芳菲節人傳上巳時何須修禊事茶是弄濤兒

○讀史

故人即非寒使者殊不薄交滿天地間緜袍何落寞

○絕命詞附

我年適五九復逢九月七大厦已不支成仁萬事畢

奇零草卷之四

七言絕句

明少司馬四明張煌言元著父著

○招趙友飲禪院

清酒今朝買百壺擬邀佳客醉屠蘇玉山倒處人爭看可有連城一壁無

○過仙洞訪石田和尚出荔枝為供

丹囊朱襖亂垂垂壁上蓮生總不奇君自瞿曇我自客相逢疑是嶺南時

○七夕前十日贈少年合卺二首

玉渦檀暈自生妍
綠幘青鞵正少年
恰是雙星銀漢渡
風流却占一旬前

蘭湯浴罷不勝衣
一曲菱歌百兩歸
自是合歡憐子夜
玉山對倚照羅幃

○舟行阻風口號二首 丙申

十載曾驚犯斗槎
天門昨夜特宣麻
乘流只恐排閭闔
故遣長鯨鬥浪花

勅水鞭潮勢自雄
比身原不畏蛟龍
明朝鷁首還東指
禁得誰搏萬里風

○讀史二首 壬寅

秦鹿橫飛六國殘
孤鳴篝火亦登壇
留侯若也歸張楚
更有何人解報韓

清秋蕭瑟井梧寒
在莒齊襄淚未乾
七十二城猶在望
却無舉火是田單

○鹿走勿逐自復 又

失鹿何曾得鹿期
重來豈獻牡丹枝
隍中蕉葉原非夢
為待仙人夾轂隨

○經烏江二首 己亥

楚歌聲裏霸圖空
匹馬歸來勢自雄
四百餘年炎火斷
誰知隆準一重瞳

旌旗塚下亦堪翻
戰士其如憶故園
縱向江東收燼去
應無子弟到中原

○ 樅陽謠二首 己亥

八尺風帆百丈牽
樅陽湖裏去如烟
江南米價秋來長
喜殺桐艚賣稻船

沿湖下網蕩湖船
網內纖鱗錦樣鮮
燈火遠邊兒女笑
魚秧種得不須田

○ 黃湓謠二首 己亥

妾家生小住黃湓
亂枕烏雲剗着禪
九月魚腥湖上熟
自搖蘭棹過前村

黃湓賈客百金裝
湓口長年醉索郎
聞說江干烽火急
停橈一曲古襄陽

○ 溪行二首 己亥

扶筇到處見山晴
峰色溪光次第迎
滿徑莓苔人語靜
畫眉宛轉兩三聲

小立寒林意獨醒
清泉石竇自泠泠
撥雲更望前溪去
樹底飛來

一片青

○寄遠

寒燒荒原映夕峯
海槎猶阻石尤風
故園梅信今何似
可有鴻書雲外通

○和秦淮難女宋蕙湘旅壁韻壬寅

獵火橫江鐵騎催
六朝鎖鑰一時開
玉顏空作琵琶怨
誰教明妃出塞來

○賦贈東山子禱雨端陽有應三首辛卯

真覺星辰可換移
端陽甯復亢陽時
幽風畫出田家樂
續命何須

臂上絲

霹靂車中咒孽龍
炎靈直欲捲靈窿
馬鬃一滴濃雲黑
失却榴花一樹紅

繁露春秋說大雩
誰憐五日欲無襦
杯中自有藥巴酒
灑作千家攝水符

○旅愁丁酉

故園花候已辛夷
夢自惺忪淚自洩
雁去燕來相笑語
何年客子是歸期

○卜天種晝寢戲成

新秋蕭颯北風涼一枕羲皇夢亦長試問黍園蝴蝶影可曾逆旅
關黃梁黍當是黍

○雜感三首

越國年年教習流朱旗元甲總沉浮歲星不識今何在依舊櫓槍
挂斗牛

即看江鳥盡流離精衛何曾借一枝最恨蹠林秋祭後天驕猶自
灼羊脾

平陵疇昔富梧桐聞說樵蘇樹已童華表亦含千載恨空傳鶴夢
到江東

○野人餉菊有感四首

一本作餉菊索題在甲辰獄室作
一本壬寅作

通觀四詩切定
有感二字全與
獄室無涉謂
為甲辰作誤已

戰罷秋風笑物華野人偏自獻黃花已看鐵骨經霜老莫遣金心
帶雨斜

柴桑杯酒寄東籬種菊書成在義熙今日風光如昨日殷勤且自
把花枝昨日或作昨否

嘗言愛菊耐霜威晚節都甘與世違只恐秋來容鬢改幾人插得
滿頭歸

夫寒萬木盡悲秋誰殿羣芳鬥未休寄語黃花應努力須知搖落
有黃州

○憶西湖甲辰八月

夢裏相逢西子湖誰知夢醒却模糊高墳武穆連忠肅添得新墳
一座無

○宿官亭甲辰八月

漫道詩書債未償滿身枷鎖夢魂香可憐今夜官亭月無數清光

委路旁

○附漫成迴文晚泊

寒潮晚落半江空曉帶羣山亂映紅殘角霜聲愁雁斷難將送掛
一颿風

奇零草卷之五

五言律

○秋懷三首

明少司馬四明張煌言元箸甫著

秋色來何許滄江對晚潮
宜人偏淡蕩似我總蕭條
隼憑誰健

狼心尚爾驕也知雲意薄
聯自擬丹青

聯或作聊未知孰是
還當作聯字

屈指金行半流光不我予
鱸腮味信美雁足耗全疏
客散黃金盡

兵饑白粲虛只愁棉力弱
何以慰皇輿

天方尊肅氣人已苦兵聲
高枕真無事扁舟似有情
靜同仁者壽
隘得聖之清遣放應如此
毋勞造物爭

○大安沙坐風雨復疊前韻三首 乙未

風雨添新漲荒洲幾尺潮場禾悲滯穗渚荻響叢條茅舍吹烟淡
蓬窗曙色驕秋颺毋乃妒未敢說摩霄

不解因人熟新涼忽起予單衫輕自好雙鬢落應疏冷暖中秋節

升沉覺後虛九州多怪事無復問堪輿
尋常悲旅况可復雜秋聲砧杵千家夢萼旅八月情寒螿啼露重
健鶻喜霜清始識乘除理玄心了不爭

○追慕二首 甲午

國難驅人出家傾待子歸可能磨墨盾其奈冷斑衣金草三年淚

冰霜寸草暉髮膚雖不毀猶恨故園非

○絕炊 壬寅

炎涼雖世態不信在同舟自去梁間燕真同水上鷗婢原無赤腳
僕已鮮蒼頭亭午炊烟絕何能免百憂

○僕還 己亥

僕貞良不易旅瑣更為難已任辭鞫去還同戀棧看徹帷原有待
墮履未應拚自是無銀鹿猶勝形影單

○得友人書道內子艱難狀 甲子 甲午

尺牘胡然至寒温不自通殷勤報聞外辛苦歎閨中鐫釜原兼絕

此字穿方是
平韻

按子自丙戌秋
海軍中履神執
子書是丙申年
子書

機梭亦屢空鹿車誰共挽羞殺是梁鴻
家計深行惻朱顏亦固窮漸來應化石
遮莫但飛蓬寄托誠交道
支持仗女工可憐織箔子不子亦作手得到從戎

○贈駱亦至二首 壬辰

客自涪州至蕭然野鶴姿青雲猶冉冉白雪故離離
混俗原無我廉頑更有誰蒲輪指日下莫漫採江蘼

唐室當中葉君家有右丞雄文堪討賊苦節亦為僧蹤跡今相似
遭逢古未曾會須扶日月滄海見鱸升

○送萬美功還越時其弟靜齋將赴行在 壬辰

令弟將南邁元方又北征炎荒萬里節越絕一歸旌欲聚非麋鹿
難分是鵲鴝祇應山鬼語但見送行人

○登涪洲 壬辰

不盡滄浪興孤洲眺晚暉海翁稱地主野父說天妃
舴艋風前出鎌鋤雨後歸侏僂雖未解一笑亦忘機

○生還四首 己亥

落魄鬚眉在招魂部曲稀生還非眾望死戰有誰歸
臨險身謀拙包羞心事違江東父老見一一問重圍

痛定悲疇昔江臯望陣雲飛熊先失律騎虎竟孤軍
鹵莽焚舟計

虺隤汗馬勛至今頻扼腕野哭不堪聞

本以揚旌去胡為棄甲旋名城空繡錯父老盡株連百折終何補

千秋倘復憐亦知收燼易蕭索媿金錢

父或作改當是

奔北誰能殿圖南我亦迷翻令百步笑未得一枝棲孤島搖燧燧

登壇恃鼓聲風雲蹉跌後無計展霜蹄

○客有談故園花事者感而有賦乙未

故園春意滿花枝解炤人馱篁還出郭燒筍或呼隣此事真無價

吾行未有津繁華豈不愛天步屬艱辛

○弔旅墓丁酉

荒墳三尺土宿草幾經秋鬼亦離鄉賤人胡渡海遊鹿場殘炤淡
蟻蛭野花幽不用山陽笛悽然淚自流

○萍踪同邛舍山感賦己亥

蕭瑟干戈事浮踪已似萍半床留破席一室久疏櫺霜月窺人白

漁燈入夜青天涯知己在猶自嘆零丁

○送邛舍山還長亭山房己亥

投老猶垂橐忘歸未拂衣江山雙淚迸家國寸心違作客悲黃檗
為郎憶紫微入林還悵望吾道已全非邛舊任中書舍人

○得姚興公書以舫音集見寄公法號獨耀 己亥

黃作王當是

何處纖鱗至瓊雲落滿函虎溪聞卓錫鷺島憶歸颿詩律隨人老
禪鋒已不凡慙予鹿夢在兀兀趁征衫
捄世嗟無具為僧亦自嘉只愁新舊雨總屬暮朝霞楓落江烟淡
梅橫漢月斜何時雙鳥下相對飯胡麻

○暑夜獨坐己丑

炎熇如酷吏入夜氣猶蒸晞髮涼初透撚鬚興欲乘風斜穿客牖
月午漏疎藤四壁蟲聲咽誰堪一語冰

○島居八首己亥

天地勞何甚空山足自機玄黃悲鼎沸蒼莽看帆飛誤世芙蓉劍

撩人薜荔衣迷途知未遠還復卧鳧磯

島事幾滄桑何勞更辨亾人能扶日轂我且挾雲囊傲骨甘鷗鷺
雄心怯虎狼誅茅還闢土海外有封疆

古賢多大隱豈必盡攀龍所惜辜三輔其如礙兩雄計疏憑鑄錯
道廢漫書空仰止羊裘客千秋一冥翁

山中仍逐鹿却喜少雌雄蟹戶供新錯蜃樓獻秘嬉鑿坏聊偃蹇
拜石故支離試問門前雀何如翟尉時

閭闔不可極投荒小有天行藏疑橘叟變化媿梅仙野火漁燈外
槩風雁字前到來生百感太息理詩篇

浮槎非我好戀戀為衣冠豫讓橋應近田橫島正寬蘆中長磬折
地上獨盤桓雖未成嘉遜人呼管幼安

十州曾卜築師過化為新荆棘任公宅蓬蒿夸父津老麋避客去
舊犬逐人親不忍乖初服茅簷又日新

鳩工嚴部勤治屋亦猶兵據水軒轅法依山壁壘橫垣垣繚却月
中雷貫長庚只此扶桑國居然細柳營

勤當是勤字之誤

○得朱子成書 庚子

書來惜分手正憶皖城秋入海仍精衛還山尚蒯緱參差非恨事
倉卒少良謀異日傳心史孤忠莫見收

○寒山 己亥

寒山一息影歧路總忘機敢望充藜藿其如斷蕨薇徘徊貪有髮
惆悵賦無衣此地兼烽火孤蹤何所依

○秋夜舟中聽雨 庚子

不盡蕭蕭意還從子夜生草枯沙磧氣木落洞庭聲欹枕聞疏密
敲篷辨濁清渾疑北斗靜鐵騎暗縱橫

○新河口雨泊二首 庚子

一水真衣帶全行報幾籤迴颿何震盪飛沫更廉纖嚙岸潮聲壯
膠舟風勢嚴叢祠堪蔽雨分旅向山尖其二補錄於後

○聞監國魯王以盜警奔金門所庚子
揮淚東南信初聞羣盜狂扁舟哀望帝匹馬類康王流燕終何恨
依斟倘不妨只今謀稅駕天地已滄桑

○新河口雨泊第二首

四時冬不用况乃問舟程自與泗人伍還隨颶母輕枯槎粘水骨
虛枕掛魚睛珍重陽侯意無勞費送迎

○感事四首 辛丑

箕子明夷後還從微外居端然殊宋恪終莫挽殷墟青海浮天濶
黃山裂山虛豈應千載下慕擬到扶餘慕擬作慕
小當是地字

聞說扶桑國依稀弱水東人皆傳燕語地亦闢蠶叢華路曾無異
桃源恐不同鯨波萬里外倘是大王風
田橫嘗避漢徐福亦逃秦試問三千女何如五百人槎歸應有恨
劍在豈無真慙媿荆蠻長空文採藥身
古曾稱白狄今乃見紅夷蠻觸誰相鬥雌雄未可知鳩居粗得計
蜃市轉生疑獨惜炎洲路春來斷子規

○送吳佩遠職方南訪行在兼會師隕陽隕字辛丑

何處中宵哭星槎滄海回依墻悲鶴立戀闕夢鑿迴黑棘黃圖闢
烏蠻紫氣來孤臣芒屨好敢望畫雲臺

哀牢原有國聞自夜郎移輦路應千折旌臺亦九疑駮歸何日事
翟捧幾人知君去排闥闔將無恨執羈
鄖江稱斗絕咫尺向夔門雲棧凌霄起霓旌挿壁屯金貂皆上將
鐵馬足中原一見隋何檄還應報國恩
尚有臣靡在其如天步何涼州方倚柱盟府孰揮戈刁斗孤軍細
香盃夾道多憑君馳蠟表早晚聽鏡歌

○三過沙關 辛丑

五載真如夢秦川恨舊遊地分山閩越天濶水沉浮鴻鵠雖羈紲
蛟龍空負舟包胥洵國士復郢便辭侯

○沙關感懷 辛丑

飄泊終何濟蕭然一撫襟呼童刪白髮結客煉黃金擊水垂天翅
依風縮地心得閒聊把卷非敢學書淫

○送羅子木往臺灣二首 辛丑

中原方逐鹿何暇問虹梁欲攬南溟勝聊隨北雁翔
蠟島水中央應笑清河客輸君是望洋

羽書經歲杳猶說衮衣東此莫非王土胡為用遠攻圍師原將畧
墨守亦夷風別有芻蕘見迴戈定天戎

○辛丑長至舟次舟祝聖二首

行字疑衍

朔氣行將盡今來復一陽書雲存珥筆挽日仗冠裳社稷千帆影
乾坤一劍芒微臣無限恨稽首儼天王

歲華方剝極何意泰重來國脉真如線天心似未灰山呼愁節脫
海晏待槎迴賴有黃鐘動梅花雪自開雪自疑有錯悞

○元夕金鄉道中壬寅

海若波俱惡春陰意倍寒征帆渾出沒窺鏡盡闌珊燈謎憑誰賭
棋聲讓客彈勞生兼浪迹節物肯為歡

最是蹉跎恨都從此夕來幾年春爛熳共月影徘徊每擬銀鈎滿
當看玉歷開逢時還寂寂辜負夜光杯

○春心壬寅

滄江歲月深老去惜春心花到辛夷候人歸杜宇音聞眠遲獨醒
繁恨寄孤吟天骨原蕭散能消許事侵

○北回示將吏己亥

利鈍寧能料孤軍又北回同仇計左矣遺老思深哉破斧烝徒義
持籌參佐才古來忠孝事天地每相哀

○顯甥奔至

柳堂云顯甥即
傅美鏡小字

初聞購孺子何幸脫蘆中執手哀吾姊囊頭並若翁死生盡一別
忠孝已雙窮淒絕青山外鵲啼血倍紅

○聞家難有慟四首

仇國言終驗哀門祚亦危痛心惟骨肉老及受參夷白首青楓暗
黃腸廣柳遲百端交集處能不碎心脾

家破原因我何堪玉並焚元宗空有子函夏已無君左袒興亡決
南冠生死分拊棺猶未得揮淚結元雲

孤竹行吟後家無四壁存更聞宗欲墜不但族先燔蹭蹬孤臣節
跟踉孝子魂願為雙白鶴飛去叩天關

淫威何太甚原外鵲鴿鳴空擬班昭疏甘成鼎政名肝埋有處士
腸斷是零丁遙識胥江路霜飛獨滿城

○贈文生侍御返命闕嶠已亥

益倍今何似孤懸一使星滿思匡漢室虛擬乞秦庭鶴立孤臣泪
龍潛舊主靈倡予還和汝天夢倘然醒

恨別還如昔憂危較獨多孤槎偏跼蹐故節已蹉跎羽翼猶吾否
鬚眉奈爾何南陽雄雉在努力向滄沱

○閏元宵排律十四韻歲在己亥

獻歲杓頻指良宵箭獨稠東皇添玉曆南陌駐銀鈎
蕙英應雙吐椒花已兩浮小年燈市永午夜漏聲悠月令初中節風光第幾籌
蟾輝看倍皎鶯語聽全流復擬傳柑會偏宜秉燭遊流黃連夕怨

拾翠隔句愁柳弱先披拂梅寒故逗遛乾坤分正閏夷夏辨春秋
只此尊天統因之念帝憂麾磨何足論伏臘豈相謀金鑰方重闢
銀缸可再篝香麈還冉冉歌吹幾時收

○重陽偶成 壬寅

九日素秋晴霜容淡倍明香孤知菊傲寒逼覺衣輕蕭瑟茱萸佩
躊躇鴻雁聲不愁吹帽落華髮故多情

○甌行志慨三首 壬寅

甌水秋堪掬頻來五兩輕豈知魏勝壘欲化李陵城苦口吾同澤
甘心彼喪名張陳千古恨誰更負今盟

不信炎靈斷還留七尺身吹笳悲自壯擊筑向誰親故主呼迎莒

遺民泣 **避秦** 所愁惟甲脆倚 **徙倍** 沾巾

向或作和是

行矣河梁別翻為送隴西 **胡** 天應悞雁漢地熟亡羝冰雪危孤膽
風雲怯四蹄玉關雖咫尺敢復望芝泥

○舟行立冬 壬寅

寒暄原物候忽忽且揚舲歲月偏如鶻乾坤總似萍江聲浮碧落
海氣混元冥笑問銀河上曾無犯客星

○朱伯遷將避地小溪索詩口占授之

賀監抽簪去君恩賜鑑湖至今高尚宅猶在四明無此地能真隱

斯人亦不孤所愁溪鳥笑閒殺輞川圖

○入山 甲辰 已下見採薇集

大隱從茲始悠然見古心地非關勝覽天不礙幽尋石髮溪頭長
雲衣谷口深此中有佳趣好作採薇吟

○清音

倚杖綠天中清音自不窮鶯枝傳古調蟬葉散元風谷響丁丁發
溪聲曲曲通由來塵夢斷遮莫是心空

○林中漫興

幽棲得名理雙屐轉從容渴澗桐龍乳荒溪采鹿茸振衣空翠襲

擁樹蔚藍封不識鴻濛外蒼嵐更幾重

洪武作綠星

選勝非吾意林長一送窮天供青玉案人坐碧紗籠道貌癯人似
機心海鶴空獨嫌遺世晚所以遜龐公

○小猿畜之久矣以病抱樹而死為之惻然

升木何須教奔林豈為驚胡然嬰一疾不復聽三聲腸斷巫山暗
魂歸楚水明爭如孫供奉能報主人情

○酒血 甲辰

酒血今何地紅殷苦漢冠雲臺圖畫杳雪窖夢魂寬豈望黃牛乳
無勞白玉餐廣陵有絕搯琴碎不堪彈

牛或作羊誤考

曾聞古俠士相送白衣冠生死關原重興亡案肯寬空思借甯索
誰復報吳餐羞殺無長鈇從今莫浪彈
文山不柴市故里一黃冠此意誰非屈何人可自寬羽微難石飲
舌在任刀餐今古綱常事因吾好細彈自寬亦作見寬
乾坤竟如此刺眼盡猴冠射昴天方醉騎箕地較寬難中慙館穀
夢裡憶堂餐一笑甘兵解何曾有淚彈

○鬢有絲壬寅

曉起看雙鬢哀容變二毛鬚眉長自照筋骨總徒勞物態離情換
年華苦節銷自憐蒲柳質秋意蚤蕭騷

奇零草卷之六

七言律詩

明少司馬四明張煌言元著甫著

○和肅虜侯黃虎癡承制頌慙韻戊子

駿馭遙巡斷赭鞭孤臣頓歲紀星躔曉籌冷落雞人唱寒管驚回
龍子眠舊放梅花知漢臘新添蕙英一作葉是堯年義熙何用陶潛
載日月中天正朗懸

○余自丙戌蹈海奉違家君定省已四載矣茲待罪軍次每一

念至為之黯然己丑

獵火年年急羽書飄零子舍竟何如不因聞外驚投袂那見庭前

嘆絕裾燕語空梁泥自落
鷓啼細柳血應枯
遙知今夜關山月
獨照龍鐘人倚闌

鐵衣何事換斑衣
朔雪炎風歸未歸
莫慰兕觥娛畫錦
聊憑龍盾報春暉
停雲轉悔辭家易
夾日還慙報國微
記得青箱多舊訓
丹心元髮敢相違

○送黃金吾馮侍御乞師日本戊子

中原何地足依牆
惆悵舟師日出方
龍節卧持豸斧客
魚書泣捧豹衣郎
黃河北去浮青雀
滄海東回獻白狼
佗聽無衣萬里客
繡弧應復挂扶桑

○端陽喜雨呈張相國鮑淵辛卯

海國懸符為辟兵
驅來雷檄又縱橫
中天雨露天中節
半夜風雲夜半晴
繁露何須災異
商霖原為相公生
憂民幸慰祈年意
笑把菖蒲泛酒鎗
庚韻鎗字同鎗鼎屬

○勸農遇雨時余屯兵山寨已丑

下五字皆直下書

濃雲似墨滯行旌
點染春郊最有情
話到桑麻風自古
災餘草木雨還生
土龍不用胡僧咒
竹馬偏喧穉子迎
烟火幾家寥落盡
空山布穀一聲聲

○丁亥同留節滿城同諸公行長至禮

上同字皆文

幾年卧節夢金鑿棉叢猶班舊握蘭葭管初開周甲子葱珩重見
漢衣冠嵩呼恍覺爐香近海曙還疑扇影寒惟有臣心冰雪淨逝
將綵線續雙丸

○閒居 丁亥

揮手歸鴻望已乖風塵依舊兩芒鞋人居閒處非佳境事到難時
且放懷無限興亡看越絕何妨奇恠說齊諧孤蹤轉覺支離甚一
任蒼苔自上階 項聯可銘座右芝山

○步韻答徐閣公 壬辰

窮途長日更難消賸有圖書伴寂寥霸業徒看秦望氣客愁似瀉

廣陵潮共歌叢桂山中發誰識焦桐爨下燒潦倒未應猶倔强丈
人久已學承蜩

○舟中聽雨分得長字 壬辰

小雨江天倍渺茫翩然有客度鳴榔坐來知己忘觴薄話到英雄
看劍長殘角分明悲海渤孤蓬輾轉憶瀟湘相憐世世真飄泊豈
為春風欲斷腸

○同姚興公萬美公過訪陳齊莫小酌 壬辰

回首鄉關北海濱南來猶見故鄉人君因久客翻為主我亦同仇
况比鄰八載滄桑愁欲老一樽清酒話相親共悲吳楚風烟急太

史星占正聚閩

姚吳人萬楚人故云

○感懷二首 壬辰

滄江一卧已心灰避地何人賦七哀欲遣新愁悟後去翻招往恨
醉中來六橋歸夢吹哀柳五月寒巖聽落梅擬學冥鴻差強意回
看元髮又徘徊

浮名世上長蓬心我自商歌獨抱琴流水非因鍾子調陽春只合
郢人吟乾坤大抵分王霸治亂絲來半古今轉悔十年塵事拙不
如經濟在山林

○沈彤菴閣學艤舟南日山遭風失維不知所之雖存亡未卜

余猶望其歸來也

壬辰

昨夜驚濤勢轉雄孤帆何處御長風沃焦不信膠舟解博望初疑
銀漢通欲問馮夷愁莫應倘成精衛恨何窮來歸當有支機石豈
遂騎鯨向碧空

○書懷 壬辰

一劍橫磨近十霜端然搔首省天狼勛名幾誤乘槎客意氣全輕
執戟即地上書傳失絳灌隆中策定起高光山河縱破人猶在試
把興亡細較量

○同諸子步月 壬辰

醉餘散步興遄飛，挈伴耽看素月輝。
濠濮自然成默往，闕山幾處照人歸。
橫襟坐嘯風微至，曳履行吟星漸稀。
清影自憐全鶴瘦，可能肥遯遂初衣。

○飲酒 壬辰

世事驚心強自娛，蕭條旅館日提壺。
嘗言諸葛真名士，猶作高陽一酒徒。
座上何須分雅俗，杯中原不入榮枯。
且須杖策春陵去，王粲登樓賦有無。

○送萬靜齋復命行在 壬辰

聞君攬轡向蒼梧，三月柳花媚客途。
星漢初迴英蕩節，風流未減

繡蝨孤嶺梅見使，觀相接岸柳懷人。
強自扶藜莫怨胡塵連瘴雨，王師傳說下荆湖。
觀疑作歡

○步畲萬靜齋留別韻兼以勸駕 壬辰

經旬客邸正相尋，君去應嗟徑草深。
帝子偏安猶半壁，王孫盡報只千金。
梁鴻自是難分手，范蠡何堪有隱心。
好向屬車勤獻策，楚材莫作楚騷吟。

贈徐闇公年丈三首 壬辰

王謝風流誰更傳，雄文廿載國門懸。
胡床高踞談經日，漢室初徵射策年。
每擬珊瑚為架筆，雅聞纓組竝當筵。
豈知把臂蓬壺外，江

左衣冠傲昔賢

竹箭東南橫得名飛來龍劍却爭鳴誰云四海同科第自是中原
一社盟懸榻君應稱快事乘槎我亦嘆勞生他年若遂尊鱸興擬
共山陰道上行

吾道滄洲任所遭豈因標榜益名高重逢尚握蘇卿節久別誰彈
鍾子操明月開樽皆勝侶春風入座似醇醪偉長未便從軍老已
羨文章晚更豪

○舟次清明拈得青字

壬辰

春光客路轉飄零擬蹈平蕪探小青自覺草生偏入夢可憐花醉

未曾醒松楸雲隔千峯斷楊柳烟迷兩岸暝欲隱尚違慙介子年
年寒食卧江汀

踏青是踏字

○贈馬爾毓職方奉表行在後不果行

壬辰

頻年北極未迴鑿萬里朝宗行路難孝直終當扶漢鼎太真時亦
奉劉丸垂風共聽尚書履近日應隨御史冠此去君家銅柱在長
纓好請繫樓蘭

○擬別義陽王

壬辰

紫綯元戈事幾秋傷心忠孝竟何酬投閒肯寄通侯廡招隱空登
學士舟滄海拂來惟兩袖赤宵携去有雙鉤月明倘下緱山鶴準

擬追陪伊洛遊

○四月八日過仙洞訪石田和尚

壬辰

炎鄉白盡若難眠也也逐孤雲學問禪行到精廬知俗物坐來古
洞憶飛仙遠公暫向名山住管子初從遼海還不是宰官能說法
疏泉品石總隨緣

○送姚興公北還

癸巳

客中送客復何言門外驪歌酒一尊芒屨故應尋帝子藜床豈必
戀公孫只愁自社高風散况看滄洲落日昏吳越交遊如見問雞
聲竟夜舞劉琨

自當是白字

三山幾度費逢迎今日重辭萬里行短髮雖凋猶晉士長裾不繫
是侯生蒼茫挂席供圖畫繡澁空囊賸墨兵此去莫愁無遇合姚
崇原有救時名

○我師圍漳郡余過覘之賦以志慨

壬辰

溟南見說築金臺長揖諸侯壁上來地險分明形似米天驕竊據
勢如嵬愁登廣武論劉項倦向梁園逐馬枚却聽雄風歸楚望聊
當飲至一啣杯

圍漳郡

○贈金門蔡元戎

壬辰

炎風吹客到窮途慷慨逢君意氣孤此日高才追大樹多年長劍

枕陰符金城不獨留天險銅柱還應入地圖最羨蔡遵留雅度時
時緩帶一投壺

○馬爾毓有從軍之嘆戲成二律詒之 壬辰

一劍南來說曳裾缺聲早怨出無輿粉曹回憶馮唐節油幕間誇
阮瑀書應悔鶴翎先自翦翻憐雞肘反成虛烟霞清供難分寄恐

爾蓬心尚未除 肘當作肋

北山奈何又移文投筆雄情誰似君掉舌尚能高揖客掀髯誰許
薄叅軍嘗秦白璧歸何處幾聞楚黃金費幾觔始信卧龍明出處
草廬先已定三分

○同陳文生坐雨步韻 壬辰

經春作客傍龍門春去猶憐蛺蝶魂花醉可曾澆白墮艸成盡道
勝元言江河瀟地愁偏入湖海頻年病尚存正為陸沉難石隱那
堪風雨更煩喧

○將朝王阻颶不果 壬辰

擬向平臺一問津驚濤無奈拍江濱去留轉覺隨龍子來往何能
逐雁臣似放沅湘猶戀主非關河朔肯還兵緣知歧路風波惡決
計尋山學隱淪

○送徐閣公監軍北上二首 癸巳

魚檄朝來幕府傳夕携龍節上樓船元卿未許先開徑士雅還期
共着鞭始識山中留宰相非關海外覓神仙仁看露布橫飛處不
是涼州倚柱年

幾年猷立金華省此日重登青翰舟準擬真人開北極豈容高士
卧南州征帆直指天聲壯羽扇輕揮王氣浮匏繫如余甘瓠落秋
風倘許脫膺鞞

○暑雨同諸子限韻仍禁江窗二字

此仍字誤

火雲蒸雨勢難降斜倚繩床聽石涼愁蒲風塵侵鄂被夢回烟樹
繞吳艖蕭條莫恠壺堪碎繡澁應憐劍自雙客路幸逢好友在且

須乘興到春缸

到疑作倒

○送謝仲彞元戎

癸巳

疊鼓鳴笳出飲飛將軍此日挂征衣千屯夜失櫓檜耀萬壑朝揚
組練威共喜龍驤臨溟渤已知鶴淚動淮淝捷書好向潛夫寄擬
趁輕帆便北歸

○七夕微雨

碧漢生波蕩素秋良宵又向客中流銀鈎暗處虛穿巧玉璽分來
總織愁天上何嘗須駕鵲人間那得似牽牛故鄉風物空回首誰
買羅喉戲綵樓

○暑雨同諸子限韻仍禁江窗二字

幾年辛苦擁油幢留得閒身鼎漫扛風雨似為驅熱至衣冠終不
受人降沽米濁酒厄如斗賦就新詩筆若杠最憶鑑湖晚霽後採
蓮人盡唱吳腔

○立秋同諸子限韻分得鹽咸二字

客擬巢居為避炎曉來秋意忽開簾山因寂寞容偏肅水到澄清
意自廉荷蓋初低看墜粉尊絲乍憶下品鹽滄江物色撩人甚刷
羽丹霄莫久淹

肺病朝來謝酒監迎秋偏愛試單衫樓中豈獨愁王粲林下何曾

醉阮咸清露微微沾薜荔涼風澹澹拂松杉故鄉消息渾無據滿
望鴻來寄一函

○飲吳山人

柴門卷口碩人寬盡日相尋河朔歡說劍不妨煩脫轄懸壺何必
學投竿主賢高擁烏皮几客醉同彈紫箬冠佳興邇來真半減為
君咲一咲譜幽蘭

○端陽客鷺門

壬辰

偶逢南海菖蒲節轉憶西山薇嶽生風俗不殊鄉國異年華一去
夢魂驚何須繫縷為長命安得懸符畫辟兵客况淒其聊對酒莫

幸好景是朱明

○夏日過鼓浪嶼飲程與嘉將軍署中壬辰

入林偏愛晚涼生
灌木疏疏墮月明
鶴夢到山原
獨醒蟬聲繞樹
有餘清不堪歸興
逢人急真覺炎趨
較世輕相對
素心聊一醉盤
飧何用五侯鯖

○新秋鼓浪嶼納涼分得簪字

孤嶼蒼涼沁客心
偏宜散髮坐長林
山川戰後形容改
草木秋來
情性深影亂鞦韆
知墜葉聲飄緯絡
似鳴琴披襟已在芳洲上
塵俗何能解盞簪

○與蔡無能論興復壬辰

塵纓濯罷便投綸
忽道風雲起孟津
豈有龍文成五色
猶然鹿走
在三秦
赤符奉去應無謬
黃石傳來自是真
安得此身生羽翰
高搏橫擊待攀輪

○月夜同陳文生過黃粹伯留酌

為妬秋容愛晚行
明河如練月初更
當闕忽報雙筇過
入座先驚
一榻橫
此夜冰壺堪濯魄
誰家紈扇獨闌情
風流笑殺黃山谷
厨傳居然阮步兵

○感遇三首壬辰

自憐錯節尚千盤信是人間行路難
落拓何誇售馬骨淹留豈為戀猪肝
交遊亂後知誰在故老閒來傍若看
多少雄心空對酒能無清淚滴琅玕

相傳霸越有神山國破空留匹馬還
赤堇約約難復鑄黃間勁弩似堪彎
此時始議通侯貴何事翻令做客閒
總是是非千古定好似腐史手重刪

赤堇下疑純鈎之誤

片石誰能砥亂流冠裳無計且依劉
未須名阿青雲顯祇覺心同白日留
避地幸存周甲子論人漫著晉春秋
微軀慮向風塵老後死將慙清惠侯

向字誤

○別陳齊莫壬辰

偶乘越榜向南飛客夢驚回起拂衣
瀛海屢經龍戰後滄江漸見雁來稀
杜陵入蜀悲難去牧叟遊梁笑未歸
今夜刀頭明月滿臨歧那得竟忘機

○舟次中秋

淡蕩秋光客路長蘭橈桂棹泛天香
月明圓嶠人千里風急輕帆雁一行
此夜啣杯慚庾亮幾年持斧笑吳剛
觀濤豈必錢塘上碧海銀潢自渺茫

○夢內壬辰

到處青山足住家無端歸路繞天涯中宵細語頻繁節滿地愁離
愁蘆荻花約畧刀環窺月影分明砧杵喚霜華蘧然一枕成何事
亂逐秋風向若耶

○追往八首

觀第七首首句今年秋法是種石白如爲王辰所作

弃繻猶及到燕關恹淡風雲十載還狼鬣自從當日舞龍髯能得
幾人攀漢陵弓劍存亡後晉室衣冠興廢間轉眼書生成故老慚
無媧石補江山

六朝遺跡雨花臺舊識生皇草昧開南渡尚留龍種在東遷祇避
犬戎來却悲羯鼓荒原動不見羊車複道迴國破何人猶抱膝當

年應有管蕭才

長驅胡騎幾曾經草木江南半帶腥肝腦總拚塗舊闕鬚眉誰復
嘆新亭椎飛博浪沙皆走弩注錢塘潮亦停回首山河空血戰只
留風雨響青萍

王業分明記昔年乾坤日月尚雙懸虹霓初巨牽牛際雨露遠承
附鳳偏握節可曾干斗象持籤時亦傍爐烟繇來國脉難調久自
省原慚士雅鞭

浮生踪跡笑勞薪倒挽天河又幾春細柳營中稱漢使扶桑洲上
避秦人曾嘗虎口身仍在爲歷羊腸性已馴窺鏡每憐形影瘦誰

從百折飽風塵

幾提珥筆幾凋戈屈指滄桑意若何
金狄豈愁王氣盡銅焦誰說
死聲多五千甲盾收餘燼百二山
挽逝波天夢到今疑未醒
沉吟轉憶採薇歌

曾挂星槎滄海東冠裳涕泪捧重瞳
禹餘風物成離黍越絕功名
類轉蓬早歲頻書唯羽檄今年徒讀
是檀弓無家况復鵑啼急腸

斷江花爛熳紅

危峰斜日照疏墩往事蒼涼那可論
司馬名因方外貴卧龍才合
世間尊一時市道看梁苑千古交情
問翟門高踞繩床還睥睨幾

回海沸與山奔

○登涓洲謁天妃宮

蒼茫一曲帶烟霞聞說飛仙此住家
石髓沁香流乳酪雲根滿霧
想鉛華樓前縹緲凌波襪檻外參差
貫月槎湘女雄妃多往迹曾
無精爽徧天涯

○師次涓島諸勛鎮行長禮壬辰至余以服制勿預志感

棘人終歲解朝簪憂國江湖一片心
太史徒然吹鳳律諸侯空自
噦鸞音風塵飄泊隨南北雲物淒涼
變古今慰藉新陽來六管胡
霜朔雪不須侵

陽回曙鼓上樓船遙憶千官上壽年漢殿徹侯原裂地周廬亞相
盡朝天香爐重傍疑難望綵線初添嘉復憐猶恨身達冠帶會心
隨日景到

淵疑脫去重字當是雲淵恐非重字嘉字誤

○至後傳王師出東粵志喜 壬辰

土圭才見景初長忽報天聲出五年始信玄陰消北陸懸知赤伏
耀南荒金魚尚自唐分錫銅馬翻為漢辟疆此日孤臣淹漲海衣
冠拂拭待從王

○壬辰除日寓涓洲禪院

浪跡天涯又歲寒強將枯影對辛盤鄉思暗逐鯨波寫世事明隨

漁火看柏葉樽前催律呂蓮花漏上看支干江山百戰渾非舊留
得磻溪把釣竿

○癸巳元日和友人韻

靈槎容易度流年海角春雲思黯然地近虹津堪浴日潮生蜃市
欲黏天東萊已識陽當震北望誰云歲在燕先甲後庚應有象抽
毫豫擬中興篇

○人日立春客湄島 癸巳

海外行藏不計春起看天地亦維新鼓聲往歲聞呼癸斗柄今年
說指寅讀禮每思箋大戴授書尚擬續君陳東風似為羈人至煖

氣偏吹白璽巾

○春到癸巳

春到何闕卿國情無言芳草自分明一經作客流離久幾度逢人
嫵媚生雄劍携來空顧影祥琴彈罷不成聲聞身總絕浮雲意特
為鬚眉未放行

○憶余在滄島與張鯤淵吳鍾巒朱聞玄諸先輩從遊一時情
文宛然在目今三君皆以國難殉而余在行間猶偷視息
然憾感靡騁蓋不勝興廢存亡之感矣癸巳

年來洒泪看桑田陶謝風流已盡捐伊昔幾人陪後乘我今何處

競先鞭未消肝膽堪誰托無恙鬚眉祇自憐轉覺諸君真羽化夜
臺杖履亦珊珊

○郭聖竑見訪出詩相示依韻酬之

誰云仲蔚長蒿萊酉板雙扉隨意開埽石我饒籠翠興磨嵐君擅
草玄才杖頭時挂千峯月篋裏爭鳴萬壑雷自是主人能慰客頓
忘鴻雁已南回酉疑作白

○重經南日弔沈彤庵相國癸巳

木落天空肅氣森重來海岸恨人情琴從秦狐偃空投壁去越鷗
夷枉鑄金渭曲璜隨雙鯉逝延津劍化一龍吟只今桑下誰相語

獨倚孤蓬淚不禁

○舟次琅琦謁錢希聲相國殯宮癸巳

稱相國墓所謂
殯宮未詳其義

琅江東去水如油拜墓停橈古渡頭赤手曾扶板蕩運黃腸猶帶
黍離愁波濤腥壑蛟龍蛻風雨荒塋麋鹿遊懸擬轆車歸兆日同
天應已請旃裘

勾餘霸氣已成灰轉憶當年漢幟開王謝聲名原伯仲溫劉事業
總追陪自從化劍分豐獄誰復調琴到夜臺戎馬南方猶未息故
人空負災難來

○北還入浙偶成癸巳

南遊北泛已經春死別生還總此身湖海尚容奔鬲客山川應識
報韓人國從去後占興廢家近歸時問假真一寸丹心三尺劍更
無餘物答君親

○贈盧牧舟大司馬癸巳

履訓踐而飾足拘足
者亦稱履則義通
於履皮曰履草曰
屨麻曰屨曰屨木曰
屨曰屨草曰屨
屨亦作屨音覺屨
音變

自昔公為兵使者於時我作上書人鑑湖一曲皆棠樹碧海重逢
並葛巾劍氣終當開日月履聲早已傍星辰并州正有來蘇望忍
說桃源可避秦

○入吳癸巳

萬里寒江一棹過連天野燒奈愁何風雲矯首憐毛羽霜雪攢眉

羨薜蘿聞嶠駁歸 自好滇池龍起瘴猶多年來出處渾無據見
說蒼生倍轍軻

馬疑作駕

入吳見雪忽憶車馬南巡癸巳

往歲南中不見雪今年吳地雪偏濃繁華轉逐冰心冷瑞色還疑
鎖甲同湖海看來元復一本江山戰後漸成翁穆王此際猶巡狩黃
竹歌辭總漫工

癸巳除夕

八載他鄉蜡鼓催鄉心撩亂鼓聲哀無情天地猶環甲有意山川
獨畫灰兒女藏鈎離別後君臣投壁播遷來年華如許人將老辜

負春風又幾回

○立春日大雨雪時駐節師吳松甲午

春信驚催元臘殘江梅猶帶六花蟠屠蘇飲出冰餘冷組練光浮
木末寒吹垢豈期風入夢洗兵自合雨成溇征人感荷東皇意且
逐年光奮羽翰

○樓船燈火

澄江春色夜猶明雲漢微茫星斗橫銀萬條垂甲帳火珠千結挂
霓旌燭龍刺水張髻出彩鷁凝烟啣尾行何處香塵空雜還教却
教燈市滿蓬瀛還當是還字之誤

○贈傅暢庵二首

多君姓氏動芳邇一揖高蹤豈浪投
經濟東山殊未起文章北海
豈無儔風塵把手沾衣袂
霄漢論心昵壁鉤更向樽前問鄉土
幾時扶醉六橋遊

孤劍蒼茫十載餘扁舟東過重躊躇
黃金客散韓何在白壁人歸
趙自如大澤魚龍聊混迹中原
豺虎正端居莫嫌介子勛名晚麟
閣而今席尚虛

○舟次圖山甲午

長江如練遠南陔古樹平沙天
斬奇六代山川愁鎖鑰十年父老

圖山在靖江與福山
相對

見旌旗陣寒虎落黃雲淨帆影虹梁赤日移
夾岸壺漿相笑語將
毋後後怨王師

○和定西侯崇侯服留題金山原韻六首甲午

漢壇左鉞授宗臣飛翰傳來消息真
壁壘象橫開北極餘艤流斷
接南閩雙懸日月旄幢耀百戰河山帶礪新
從此天聲揚絕漠還
應吳會是臨津

朝宗百谷識君臣江漢依然拱赤真
烽靖三湘先得蜀瘴消五嶺
復通閩水犀飛渡扶桑遠燧象橫驅貴竹
新指顧樓蘭堪立馬肯
令胡騎飲江津

鐘阜銅駝泣從臣孝陵弓劍自藏真猶聞雄雉能興漢豈似乾魚
僅祭闕天入金焦鎖鑰舊地過豐鎬鼓鐘新何人獨受專征詔賜
履絲來首渭津

自古匈奴屬外臣降王_廷殿敢稱真干屯烽燧聯吳楚萬軸波濤
下浙閩北固雲移龍節近西陵潮湧虎符新焚庭絕幕尋常事銅
柱先標若木津

白草黃沙笑雁臣衣裳鱗介已非真豈知捧翟猶賓粵未必分節
可擅闕南國羽書氣欲淨西京露布墨應新上游誰擁龍驤節日
較親扶出漢津

飛椎十載誤逋臣蹠血憑誰破因_真霸就鷓夷原去越兵聯牛女
正當閩投鞭不覺江流溢傳檄兼聞鏡吹新正為君恩留一劍莫
教龍氣渡延津

○同定西侯登金山以上游師未至遂左次崇明二首 甲午

割雲半壁依中流天劈東南形勝收鐵甕城函飛鷺領牙檣影撼
浴龍洲畫江何代空鼉鼓橫海今來駐虎符咫尺鍾陵王氣盡可
能瞻掃問松楸

相聞赤伏啟重離一詔敷天並誓師萬里鯨波趨錦纜兩山鰲柱
擁金羈已呼蒼兕臨流早未審元驂下瀨遲水步月明刁斗寂行

人猶指漢官儀

○哀閩 甲午

聞說西郵還帶甲愁看南紀尚橫戈朱門久已辭翁仲黃屋胡然
擅尉佗空際蠹衙誰北里隙中蟻陣總南柯試將班管論王命漢
鼎於今火德多

○再入長江 甲午

江聲萬古似聞聲天際依然渡水犀涿鹿亦曾經再戰慮龍應復
待三犁瑯弓挽處驅玄武鎖甲探來失白題兵氣只今猶未洗自
慚無計慰雲霓

○和于湛之海上原韻六首 甲午

黃埃胡騎獵桑乾長笛茄聲九塞寒金雁俄從別殿識銅駝幾向
故宮看星槎漂泊留旄節雲樹依棲拂羽翰不是孤臣甘浪跡曾
將獸繭着漁竿

貪狼夜指絮雲高鷓鴣痕腥淬寶刀螯極人傳曾補石龍泉天限
莫投醪翠華迢迢干星漢青翰浮沈捲雪濤澤國自來冠蓋好鬚
眉誰不共仙舸

海門潮咽越王城霸業蕭條風雨驚獨少囊金堪結客猶留軸鐵
足鑿兵馴來龍性崢嶸狎罷鷗心汗漫行若論兩河豪傑有登

壇豈必讓齊盟

飛流江左半凋殘，孤鶴橫空轉自嘆。
瀚海不妨逃漢尉，神山未必悞秦官。
珣戈_四向慚推轂，銅柱東遊憶據鞍。
留得完身真百折，河清人壽古來難。

芥舟天地竟何如，賦就三閭未卜居。
泪比鮫人長泣蚌，官輕狗監擬焚魚。
繡弧空指燕然石，雕管將成越絕書。
忽聽咳吟清夜發，旅魂長繞墓門廬。

長因編帶重論文，把視吳鈞未忍拋。
慘淡中原誰牧馬，蒼茫絕壑尚潛蛟。
才名自爾依劉表，詩律何人壓孟郊。
青眼尊前倍感慨，春

旅風旅燕且南巢

○崇沙宋子猶端士也，為閩師所窘，既出厄，詩以慰之。甲午
兵聲誰遣向江濱，狼籍樵蘇及隱淪。
可是風塵迷物色，到來天地失陽春。
鑿坏亂後無全計，飄瓦傷餘亦愴神。
轉覺桃源非世外，漁郎猶自覓秦人。

○馬爾毓職方署幕府騎兵，忝軍未免牢落，戲贈。甲午

國破蘭香已半消，侯門誰復贈虔刀。
頗憐宦拙同牛皂，正覺官閒

似馬曹。落羸金應易散，陸沉囊粟恐難叨。
相携賴有紅顏在，杖

叔遊梁興尚豪

杖方是杖

○即事東定西侯張侯二首甲午

誰提元鉞向燕雲姓氏江南草木聞已指黃龍麾戰士何勞青雀
擁迴軍兩河父老猶揮涕六詔乾坤正策勳縱有魚符尚亦得只
今豈少信陵君

十載冰霜誓枕戈豈應歧路轉風波和戎魏絳終當謬結客燕丹
恐亦訛剖竹已非秦郡縣分茅可是漢山河孤臣獨有干將在紫
氣青雲自不磨

○師次燕子磯甲午

橫江樓櫓自雄飛霜伏雲麾盡國威夾岸火輪排疊陣中流鐵鎖

門重圍戰餘落日鮫人窟春到長風燕子磯指點興亡倍感慨當
年此地是王畿

○自嘲乙未

一擲年華三十餘鬚眉對鏡復何如鄧禹殊有封侯骨虞卿空留
解相書不貪雞肋猶爾爾徒羨騏尾亦區區若待功成始歸去溪
山主人笑我愚

○寄懷徐閣公年丈乙未

洛下仙丹不可尋長因秋水憶橫襟雲翔閩嶠誰高枕風冷吳江
獨抱琴歧路行藏空扼腕亂流聞見倍關心尊絲千里猶無恙那

得君來共醉吟

丹當是舟字風應作楓

○清明感懷

乙未

江天小雨恰清明
杜宇聲中故國情
傳蠟祇成前代事
藏煙何意異時名
蓬蒿三徑荒庭廢
松柏千年黯自驚
狸首只今傷暮露
一杯空擬醉佳城

○朝議以諸勛鎮積苦行間宣敕慰勞予蓋不勝疏逖之感
杞中朝新復下追鋒
為問神州息戰烽
漢將自驕黃石法
胡人尚畏紫泥封
但留大義垂千古
敢望虛名到九重
稍待鑿迴掃境外
五湖煙雨儘從容